



**Claudii Fleurii Abbatis Historia Ecclesiastica**

Ab anno Christi 1431. usque ad annum 1441

**Fleury, Claude**

**August. Vind. [u.a.], 1768**

**VD18 90118316**

§. 19. Securitatis sponsio Bohemis facta.

---

[urn:nbn:de:hbz:466:1-66426](#)

Sæcul. XV. tis prius amplissimis securitatis literis  
A. C. 1432. iter aggressi sunt.

## §. XVIII.

*Sessione quarta Concilii Basileensis.*

Igitur ad Bohemos mittuntur literæ, publicæ fidei testes, quæ in Sessione sequenti, ordine quarta, ac feria sexta die vigesima Junii eodem anno celebrata, jamjam debita forma conceptæ erant.

## §. XIX.

*Securitatis sponsio Bohemis data.*

*Lab. Conc.  
tom. 12. p.  
482.*

Hæ literæ erant velut publica declaratio, qua Patres omnibus & singulis de regno Bohemiæ, de Marchionatu Moraviæ, de Praga, & aliis locis, cunctisque Sacerdotibus, Baronibus, Nobilibus, tam Ecclesiasticis, quam saecularibus, ad Synodum generalem Basileam mittendis significabant, quod ad dictum Concilium, quotquot volunt, non tamen supra numerum ducentarum Personarum, venire possint; eisque Synodus per præsentem salvum conductum verissimam securitatem spondebat, simulque ibidem morandi, de negotiis sibi commissis tractandi, concludendi, & terminandi plenissimam impertiebatur libertatem. Præterea

„ terea eisdem permisit, ut in loco ho- Sæcul. XV.  
„ spitorum suorum divina officia sine A.C.1432.  
„ ullo impedimento peragere, & quoties  
„ illis videbitur, ad auram capiendam,  
„ vel ob alias caussas urbe exire possent.  
„ Denique, si quis ex illis aliquod enor-  
„ me crimen perpetraturus esset, con-  
„ cessit Synodus, ut talis ab ipsis dunta-  
„ xat, & non ab aliis condigna animad-  
„ versione puniatur. „ Ultimo addide-  
runt Patres: Qui quidem *salvus conductus*  
*durare debet a tempore, quo in nostræ tui-*  
*tionis curam eos suscipi contigerit, & usque ad*  
*Basileam perduci, ac toto tempore mansio-*  
*nis eorum ibidem, & post sufficientem au-*  
*dientiam habitam spatio viginti dierum præ-*  
*missio, cum ipsis petierint, aut Concilium ipsis*  
*recessum indixerit, in locum, quem maluerint,*  
*restituemus.*

§. XX.

*Epistola Patrum Synodi ad Bo-*  
*hemos.*

In eadem Sessione jussu Concilii lecta est Id. p. 485.

Epistola ad Bohemos scripta, in qua il-  
lis gratulatur, quod Deputatos suos ad  
Synodum mittere, in urbe Egensi de-  
creverint, indeque magnam spem futuræ  
unionis præbuerint. *Laudamus, inquiunt*  
*Patres, & benedicimus Deum, qui tam lœ-*  
*tam nobis præbuit diem, qua nullam adhuc*  
*sensimus lœtiorem; Parari enim semitam*  
*Hist. Eccl. Tom. XXVII. D vide.*